

**GRAD NOVI PAZAR**  
**SKUPŠTINA GRADA**  
**Odbornička grupa SDA Sandžaka**

Novi Pazar

15. novembar 2022. godine

**P R E D S J E D N I K U**  
**SKUPŠTINE GRADA NOVOG PAZARA**

Na osnovu člana 44. stav 1. i člana 149. Statuta grada Novog Pazara („Službeni list grada Novog Pazara“, broj 6/19), člana 44. stav 1. i člana 138. stav 1. Poslovnika Skupštine grada Novog Pazara („Službeni list grada Novog Pazara“, broj 6/19) podnosimo **PRIJEDLOG ODLUKE O OBRAZOVANJU KOMISIJE ZA REVIZIJU BIRAČKOG SPISKA GRADA NOVOG PAZARA**, sa prijedlogom da se, shodno članu 109. Poslovnika Skupštine grada Novog Pazara, uvrsti u dnevni red i donese na sjednici Skupštine grada koja će se održati 16. novembra 2022. godine.

Ovlašteni predstavnik odborničke grupe SDA Sandžaka po ovoj tački dnevnog reda je zamjenik predsjednika odborničke grupe mr. **Emir Aščerić**.

Predsjednik odborničke grupe

Ahmedin Škrijelj

## **PRIJEDLOG**

Na osnovu članova 36. Zakona o lokalnoj samoupravi („Sl. glasnik Republike Srbije“, br. 129/2007, 83/2014 - dr. zakon, 101/2016 - dr. zakon i 47/2018), člana 46. stav 1. tačka 56. Statuta grada Novog Pazara („Službeni list Grada Novog Pazara“, broj 8/17), članovima 55, 96. i 97. Poslovnika Skupštine grada Novog Pazara („Službeni list grada Novog Pazara“, br. 6/19), Skupština grada Novog Pazara na sjednici održanoj \_\_\_\_\_ godine donijela je

### **O D L U K U**

#### **O OBRAZOVANJU KOMISIJE ZA REVIZIJU BIRAČKOG SPISKA GRADA NOVOG PAZARA**

##### **Član 1.**

Ovom odlukom osniva se Komisija za reviziju biračkog spiska grada Novog Pazara (u daljem tekstu: Komisija) kao povremeno radno tijelo Skupštine Grada Novog Pazara.

##### **Član 2.**

Komisija se obrazuje radi revizije dijela biračkog spiska za grad Novi Pazar, koji obuhvata: upis, brisanje, izmjene, dopune i ispravke, na teritoriji Grada.

Komisija će sačiniti izvještaj o stanju ažurnosti biračkog spiska grada Novog Pazara, i podnijeti Skupštini grada na razmatranje.

##### **Član 3.**

Za članove Komisije biraju se:

1. \_\_\_\_\_ (predstavnik odborničke grupe „Evropski Novi Pazar – Rasim Ljajić“)
2. \_\_\_\_\_ (predstavnik odborničke grupe „Akademik Muamer Zukorlić – SPP“)
3. \_\_\_\_\_ (predstavnik odborničke grupe „SDA Sandžaka“)
4. \_\_\_\_\_ (predstavnik odborničke grupe „Aleksandar Vučić, Ivica Dačić – Za našu decu“)
5. \_\_\_\_\_ (predstavnik Bošnjačkog nacionalnog vijeća)

##### **Član 4.**

Rok za izvršenje zadatka je 30 dana od dana donošenja ove odluke.

##### **Član 5.**

Prvu sjednicu radnog tijela saziva predsjednik Skupštine najkasnije u roku od 7 dana od dana donošenja ove Odluke.

Članovi Komisije će na prvoj sjednici izabrati predsjednika i zamjenika predsjednika Komisije.

Predsjednik Komisije organizuje rad, saziva i predsjedava sjednicama Komisije, formuliše zaključke i o tome obavještava predsjednika i sekretara Skupštine.

Zamjenik predsjednika Komisije zamjenjuje predsjednika Komisije u slučaju njegove spriječenosti ili odsutnosti.

### **Član 6.**

Na rad Komisije shodno se primjenjuju odredbe Poslovnika Skupštine grada Novog Pazara o radu stalnih radnih tijela.

Stručne i administrativno-tehničke poslove za rad ove Komisije obavljaće Odjeljenje za skupštinske poslove, poslove gradonačelnika i gradskog vijeća Gradske uprave za izvorne i povjerene poslove.

### **Član 7.**

Ova Odluka stupa na snagu danom donošenja i objavljuje se u „Službenom listu grada Novog Pazara“ i na internet stranici grada Novog Pazara.

## **SKUPŠTINA GRADA NOVOG PAZARA**

Broj: \_\_\_\_\_

U Novom Pazaru, \_\_\_\_\_ 2022. godine

**PREDSJEDNICA**

**Dr. Anela Šemsović**

## O B R A Z L O Ž E N J E

### **I – Pravni osnov za donošenje odluke**

Pravni osnov za donošenje ove odluke sadržan je u članu 36. Zakona o lokalnoj samoupravi („Sl. glasnik Republike Srbije“, br. 129/2007, 83/2014 - dr. zakon, 101/2016 - dr. zakon i 47/2018), članu 46. stav 1. tačka 56. Statuta grada Novog Pazara („Službeni list Grada Novog Pazara“, broj 8/17), članovima 55, 96. i 97. Poslovnika Skupštine grada Novog Pazara („Službeni list grada Novog Pazara“, br. 6/19).

### **II – Razlozi i cilj donošenja odluke**

U birački spisak upisani su punoljetni i poslovno sposobni državljani Republike Srbije, odnosno lica koja imaju biračko pravo – prema mjestu prebivališta. Birački spisak vodi Ministarstvo državne uprave i lokalne samouprave analiziranjem podataka, preduzimanjem mjera radi njihove usklađenosti i tačnosti i vršenjem promjena nakon zaključenja biračkog spiska.

Dio biračkog spiska za područje jedinice lokalne samouprave ažurira Gradska uprava, kao povjereni posao. Ažuriranje dijela biračkog spiska za područje jedinice lokalne samouprave od strane Gradske uprave obuhvata: upis, brisanje, izmjene, dopune ili ispravke po službenoj dužnosti ili na zahtjev građana, o čemu se donosi odgovarajuće rješenje. Svaka promjena u biračkom spisku zasniva se na podacima iz matičnih knjiga, drugih službenih evidencija i javnih isprava.

Komisija, koja je predmet ove Odluke, trebala bi da revidira dio biračkog spiska, analizira ažurnost spiska za grad Novi Pazar i podnese izvještaj Skupštini grada o tome.

### **III – Objašnjenje pojedinačnih rješenja propisanih ovom odlukom:**

**Članom 1.** utvrđen predmet ove odluke i naziv radnog tijela.

**Članom 2.** utvrđena je oblast i zadaci za koje se osniva radno tijelo.

**Članom 3.** utvrđen je broj i sastav članova radnog tijela.

**Članom 4.** utvrđen je rok za izvršenje zadatka.

**Članom 5.** utvrđena su prava i dužnosti predsjednika i članova radnog tijela.

**Članom 6.** uređuje se rad radnog tijela, kao i služba zadužena za obavljanje stručnih i administrativno-tehničkih poslova.

**Članom 7.** propisana je obaveza objavljivanja ove odluke u „Služenom listu grada Novog Pazara“ i internet stranici Grada.

### **IV – Finansijska sredstva za sprovođenje ove odluke nisu potrebna.**